

(1) Pane nguva here apo munamoto unganzi haunakukodzera?

1 VaTesaronika 5:17

Hapana nguva kana nzvimbo isingakodzeri kukwidza munamoto kuna Mwari. Hapana chingatitadzisa kusimudza mwoyo yedu mumweya womunamoto wekurevesa. Kana tingave mumhomho yevanhu, mumugwagwa kana pakati pemusangano wemabhizimisi, tinogona kukwidza zvikumbiro zvedu kuna Mwari nekunyengerera kutungamira kwedenga. Ndizvo zvakaitwa naNehemia paakaita chikumbiro pamberi pamambo Artashasta. Kubatana kunokosha kunogona kuwanikwa zvisinei kuti tiri papi. Mikova yemwoyo yedu inofanira kugara yakazaruka nguva dzose uye rukoko rwedu ruchikwira kunaJesu kuti auye kuzogara semuenzi wedenga mukati memwoyo.

Kunyange tingatenderedzwa nemamiriro asina huMwari uye akaora hapana chinotimanikidza kufema chepfu yemamiriro aya. Tinogona kuvhara misuwo kupfungwa dzisina kuchena uye dzisiri tsvene nekusimudza mweya yedu pamberi paMwari kuburikidza neminamoto yakaperera. Avo vane mwoyo inoda kugamuchira tsigiro nechikomborero chaMwari vachafamba vakatenderedzwanemweya wehutsvene kupfuura wenyika uye vachagara vakabatana nedenga.

(2) Kana tikagara nguva dzose takabatana naIshe wedu chii chinozoitika?

VaFiripi 4:6, 7

Tinoda kunyatsowana muono wakajeka waJesu uye kunzwisisa kuzere kwekukosha kwehupenyu husingaperi. Runako rwoutsvene runofanira kuzadza mwoyo yevana vaMwari, asi kuti izvi zviitike tinofanira kutarisira kuzarurirwa kwezvinhu zvedenga.

Tinofanira kubvumidza mweya yedu kuti ibude nekukweverwa kumusoro kuti Mwari agotipa kufema kwemweya wedenga. Tinogona kusarudza kuva pedyo naMwari zvakadaro zvekuti mumiyedzo yese isina kutarisirwa, pfungwa dzedu dzinotendeukira kwaAri sezvinongoita ruva kuzuva.

(3) Rukokoi urwo Mwari munyasha dzaKe rwaanotambanudzira kumweya wega wegaunoshuvira zvedenga?

Mapisarema 147:3

Endesa zvidiso zvako, mifaro, zvinetso uye zvaunoty a pamberi paMwari. Haugoni kuMuremedza; haugoni kuMunetesa. Ndiye anoverenga bvudzi remusoro wako uye haasi uYo angashaiwa hanya nezvinonetsa vana vaKe. “Ishe une mwoyo munyoro kwazvo, une tsitsi.” Jakobo 5:11. Mwoyo waKe werudo unobatwa nezvinotisuwisa zvikuru kana tamutaurira pamusoro pazvo. Tinofanira kuunza kwaAri muminamoto zvose zvinotipazanisa pfungwa. Hakuna chakanyanya kukura zvekuti chingamuremera. Akabata nyika mumaoko aKe uye anotonga muzviitiko zvese pasi nekudenga. Hapanawo chinhu chinobata kugadzikana kwedu chinganzi chanyanya kuva chiduku zvekuti angatadza kuona.

Hapana rutivi rweupenyu hwedu rwakazara nerima zvakadaro zvekuti angatadza kuona kana dambudziko rakaomarara zvakadaro zvekuti angatadza kurigadzirisira.



Hapana kuomerwa kunogona kuuya pamusoro pevana vaKe, kana kufunganya pamusoro peramangwana kungatambudza mweya, kana rufaro rungatiunzira kusimudzirwa, kana munamoto wakaperera ungabva pamiromo yedu, zvisingabati mwoyo waKe werudo. Ukama huri pakati paMwari nemumwe nemumwe wedu huri pedyo zvakadaro uye hwakasimba sekunge pasina mumwe munhu zve panyika yose waanotarisa, kana mumwezve waakapa Mwanakomana waKe.

(4) Tinofanira kunamata muzita raani?

Johane 15:16

Jesu akati, “Muchakumbira muzita rangu; handikuvudzii, kuti ndichakunyengeterera! ini kuna Baba; nokuti Baba vamene vanokudai.”Johane 16:26, 27. Asi kunamata muzita raJesu hakusi kungodoma zita raKe pakutanga nekupera kwemunamoto. Kunamata mupfungwa nemweya waJesu uchitenda mune zvaAkavimbisa, uchivimba munyasha dzaKe uye nekuita mabasa aKe.

(5) Chii chinofanira kubatanidzwa mumunamoto nekunyengetera?

Jakobo 1:27

Jakobo 2:16

Mwari haadi kuti tive vanhu vanogara toga musango kana mumakomo kana tive vapikiri kuti tigova vakazvipira panyaya dzekunamata. Hupenyu hunofanira kufanana nehwa Kristu hwaigovaniswa pakati pekuhwanzika kwemakomo uye neparuzhinji rwevanhu. Munhu asina chimwe chinhu chaanoita achingogarira kunamata anopedzisira asisanamati kana kuti anongoramba odzokorora minamoto yake imwechete imwecheteyo. Kana vanhu vakazvibvisa pane vamwe muhupenyu hwe

mazuva ese, kure nenyika mavanofanira kuita basa ravo rechiKristu nekutakura muchinjikwa, pavanorega kushanda nemwoyo yakaperera vachishandira Mwari, uYo akavashandira nemwoyo wakaperera, havana chavanonamatira uye kuzvipira kwavo hakuna chinangwa. Minamoto yavo inenge yangova pamusoro pavo ivo uye yakazara nechindini. Havagoni kunamatira zvinoshaikwa nevanhu kana kunamatira kusimbiswa kwehumambo hwaKristu.

(6) Kuwadzana kwechi Kristu kune chinangwa chipi?

VaHeberu 10:25

Tisu tinorasikirwa kana tikarega kuungana pamwe chete nevamwe pakusimbisana nekukurudzirana mubasa raMwari. Zvokwadi zveShoko raKe zvinorasikirwa nekujeka uye nekukosha kwazvo mupfungwa dzedu. Mwoyo yedu inenge isisadzidze kana kupeputswa kusimba rekuchenura reShoko raMwari. Kuzviparadzanisa nemamwe maKristu kunotishaisa simba rekunzwirana nevamwe. Kana tichigara kwedu tega hatisi kuita basa iro Mwari akatirongerera kuti tiite. Ticharasikirwa nesimba redu repamweya. Kukura kwedu zvakanaka mukugarisana kunotibatsira kuti tinzwirane nevamwe uye izvi zvinotisimbisa nekuti kudza mubasa raMwari.

Kana isu semaKristu tikatora nguva tichitaurirana pamusoro perudo rwaMwari uye zvokwadi inokosha yezano raMwari rekutiponesa, mwoyo yedu inovandudzwa. Patinowadzana tinodzidza zvakawanda pamusoro paBaba vedu vekudenga uye tinenge tichigamuchira muono wakawedzerwa wenyasha dzake. Chidiso chedu chekutaurira nyika pamusoro peukuru hwake chinokura, uye patinoita izvi mwoyo yedu inodziiswa nekukurudzirwa. Patinofunga nekutaura zvakanyanya pamusoro paJesu uye zvishoma nezvishoma pamusoro pedu, Anonyanya kuva pakati pedu.

(7) Rudo rwedu nepfungwa dzedu zvinofanira kugara zviri panaani?

Isaya 26:3, 4

Dai taigarofunga pamusoro paMwari sekugara kwatinoita tichiona zviratidzo zvekutiriritira kwaKe taigara tinaye mupfungwa dzedu uye tainakirwa nekutaura pamusoro paKe nekumupa rukudzo. Tinotaura pamusoro pezvinhu zvinopfuura zvenyika ino nekuti zvinotinakidza. Tinotaura pamusoro peshamwari dzedu nekuti tinodzida. Mifaro yedu nekusuwa kwedu kwakabatanidzwa navo, asi isu tichifanirwa kuva nechikonzero chikuru chekuda Mwari kupfuura shamwari dzedu dzepane rino pasi. Zvinofanira kungoitika semusikirwo kuisa Mwari pachinzvimbo chekutanga mupfungwa dzedu dzose, kutaura pamusoro pekunaka kwake uye kuudza vamwe pamusoro pesimba raKe. Zvikomborero zvizhinji zvaakatipa hatina kuzvipiirwa kuti zvitore pfungwa dzedu zvakadaro zvekuti tinoshaiva chokupa Mwari. Zvinofanira kutirangaridza pamusoro paKe uye kuti swededza pedyo nepfundo rerudo nekutenda kuna Baba vedu vekudenga vanotiriritira nezvose izvi. Pfungwa dzedu dzinorerekera pakugara pedyo nepasi rino. Ngatitarisei kumusuwo wakazaruka wetabernakeri iri kudenga, kune chiedza chinobva pakubwinya kwaBaba kuchipenyera pachiso chaJesu, “uyo anogona kuponesa kwazvo kwazvo avo vanouya kunaMwari naye. VaHeberu 7:25.

(8) Nderupi rumwe rupandi runokosha rwemunamoto?

VaFiripi 4:6

(9) Chii chinozoitika kana tikazvipira nemufaro hupenyu hwedu kuna Kristu?

Mwari wedu ndiMwari akapfava uye Baba vane tsitsi. Kumuraramira hakufaniri kuonekwa sechinhu chinounza kusuwa kana kushushikana kwemwoyo. Tinofanira kuwana uri mufaro kunamata Ishe uye kubatsira mubasa raKe. Mwari haadi kuti vana vaKe, avo vakaregererwa zvakakura zvakadaro, vaite sezvinonzi varikushandiswa nemuchairi wenhapwa kana varanda. Ndiye shamwari yedu yepamwoyo, uye kana tichimunamata anozviverengera kuva pakati pedu kuti atikomborere, kunyaradza nekuzadza mwoyo yedu nerudo nerufaro. Ishe anoda kuti vana vake vanzwe kunyaradzwa pavanenge vachiita basa raKe uye kuti wawane mufaro kwete kufondoka (kuomerwa) mubasa raKe. Anoda kuti vanouya kuzoMunamata vabve vakatakura pfungwa dzinokosha dzehanya nerudo rwaKe. Kana tikagara pakunaka kwaKe tichafara mazuva ose ehupenyu hwedu nokuva nenyasha dzekuva vakavimbika nekutendeka muzvinhu zvose.

(10) Nderipiko rinofanira kuva dingindira repfungwa nehurukuro dzedu?

Pfungwa dzedu dzinofanira kugara dzichitenderera pamuchinjikwa nerufu rwaKe kwatiri. Iri ndiro rinofanira kuva dingindira guru mupfungwa dzedu, mwongo wezvatinokurukura pamusoro pazvo, uye zvinotiunzira mufaro mukuru. Tinofanira kuchengeta mupfungwa dzedu chikomborero chese chatinogamuchira kubva kuna Mwari. Kana tasvika pakunzwisisa rudo rwaKe rukuru, tinofanira kugona uye kusiya zvinhu zvose nekuvimba Mumaoko iwayo akarovererwa isu pamuchinjikwa.

(11) Chiiko chinofanira kugara chiri pamiromo yedu?

Mweya yedu inogona kusimudzirwa pedyo nedenga patinomurumbidza. Mukati mematare ekumusoro kudenga, Mwari anonamatwa nekuimbira nemimhanzi, uye isu patinomupa kutenda kwedu tiri kuteedzera kunamata kwengirozi dzedenga. Uyai, mumweya werufaro rune ruremekedzo tiuye pamberi poMusiki “nokuvonga nenzwa rokuimba.”

Nyora zvaungada pamusoro pezvawadzidza:

Ndinotenda Mwari nechikomporero chemunamato. Ndinogamuchira kukoka kwaKe kwokuuya pamberi pechigaro chenyasha kuti ndiwane nyasha netsitsi dzaanovimbisa.

Tenderedza: Hongu Kwete Handisati ndasarudza

Ndavakuona kuti munamato ndiko kufema kwehupenyu hwangu hwemweya. Ndinodisa kugara ndakabatana naMwari uye kugara ndiine runyararo rwekuvapo kwaKe.

Tenderedza: Hongu Kwete Handisati ndasarudza

(C) Merlin Beerman - www.revelationpublications.com
Illustrations (C) Goodsalt - www.goodsalt.com
These materials may be photocopied and shared but not altered or sold.

Printed in USA by Light Bearer's Ministry - www.lbm.org



Chikomborero
Chemunamato - 2

13 - 16